



Broj: A-550/21

Bihać, 11.08. 2021. godine

FA/SZ

Na osnovu člana 64.stav 1. tačka b), člana 70., član 72. stav 3. tačka a) i člana 89. Zakona o javnim nabavkama BiH („Službeni glasnik BiH“, broj: 39/14), glavna kantonalna tužiteljica **donosi:**

O D L U K U

o izboru drugorangiranog najpovoljnijeg ponuđača

Član 1.

Ugovorni organ u skladu sa odredbom člana 72. stav 3. Zakona o javnim nabavkama BiH, a u vezi sa Zapisnikom o ocjeni ponuda nakon održane e-aukcije broj: A-550/21 od dana 23.07.2021. godine, dodjeljuje Ugovor o nabavci roba – lož ulja za grijnu sezonu 2021/2022 za potrebe Kantonalnog tužilaštva USK Bihać, drugorangiranom ponuđaču **REZ d.o.o Cazin** ponuda broj: A-550/21 br.4 od dana 21.07.2021. godine, za ponuđenu cijenu prema tenderskoj specifikaciji roba u skladu sa ponuđenom cijenom nakon održane e-aukcije u iznosu od **14.185,65 KM bez PDV-a**.

Član 2.

Ugovorni organ je Zaključkom broj: A-550/21 od dana 11.08.2021. godine **odbacio ponudu ponuđača SUPER PETROL d.o.o. Banja Luka** za nabavku roba lož ulja za grijnu sezonu 2021/2022 za potrebe Kantonalnog tužilaštva USK Bihać, broj ponude A-550/21 br. 2 od dana 21.07.2021. godine jer je isti propustio u roku od 10 dana naznačenom u Odluci o izboru najpovoljnijeg ponuđača od 26.07.2021. godine dostaviti dokaze o ispunjavanju traženih uslova pod tačkom II. i IV. 3) tenderske dokumentacije u posupku po konkurentskom zahtjevu za dostavljanje ponuda.

Član 3.

U skladu sa odredbom člana 72. stav 3. ponuda ponuđač **REZ d.o.o Cazin** je ponuda po rang – listi odmah nakon ponude najuspješnijeg ponuđača, a u skladu sa Zapisnikom o ocjeni ponuda nakon održane e-aukcije u predmetu javne nabavke roba od 23.07.2021. godine kojim je utvrđena konačna rang-lista ponuđača koji su učestvovali u e-aukciji. *Odabrani ponuđač dužan je u roku od 10 (deset) dana po prijemu ove Odluke dostaviti dokaze o ispunjavanju uslova traženih pod tačkom II. i IV. 3) tenderske dokumentacije, kao - novi obrazac za cijenu ponude koji će odražavati smanjenu cijenu iz e-aukcije.*

Član 4.

Prijedlog ugovora o nabavci dostavit će se na potpis izabranom ponuđaču **REZ d.o.o Cazin**, po protoku roka od 10 dana, računajući od dana dostavljanja obavještenja.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabvke, u skladu sa članom 71. stav 2. Zakona o javnim nabavkama BiH.

Obrazloženje

Postupak javne nabavke roba – lož ulja za grijnu sezonu 2021/2022 za potrebe Kantonalnog tužilaštva USK Bihać, pokrenut je Odlukom o pokretanju javne nabavke broj: A-549/21 od dana 02.07.2021. godine.

Ugovorni organ je predvidio zaključenje Ugovora sa ponuđačem koji dostavi najnižu cijenu tehnički zadovoljavajuće ponude a prema specifikaciji roba iz tenderske dokumentacije.

Javna nabavka je provedena putem konkurentskog zahtjeva za dostavu ponuda.

Procjenjena vrijednost javne nabavke je 17.000,00 KM bez PDV-a.

Obavještenje o nabvaci broj: 1092-7-1-10-3-3/21 od dana 07.07.2021. godine u 10:35 sati.

Radi provođenja postupka nabavke formirana je Komisija Odlukom glavne kantonalne tužiteljice broj: A-550/21 od dana 02.07.2021. godine.

Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabvaku shodno odredbama Zakona o javnim nabavkama BiH.

Kriterij za dodjelu Ugovora po konkurentskom zahtjevu shodno odredbi člana 64. Zakona o javnim nabavkama BiH je *najniža cijena tehnički zadovoljavajuće ponude*.

Nakon isteka roka za podnošenje ponuda evidentirano je da su u roku pristigle 4 (četiri) ponude i to :

1. A-550/21 br.1 PETROL BH OIL COMPANY d.o.o Sarajevo 28.05.2020.god.– putem brze pošte – 19.07.2021. godine 11 i 30
2. A-550/21 br.2 SUPER-PETROL d.o.o. Banja Luka 03.06.2020.god.– putem brze pošte – 21.07.2021. godine 07 i 36
3. A-550/21 br.3 doo ČAVKUNOVIĆ-BP Bihać 21.07.2021.god.–zatvorena–lično 07 i 37 h
4. A-550/21 br.4 REZ d.o.o CAZIN 21.07.2021.god.–z atvorena – lično 07 i 55 h

Komisija za javnu nabavku je blagovremeno i pravilno izvršila otvaranje i ocjenu prispjelih ponuda, te utvrdila da su ponude gore navedenih ponuđača formalno uredne odnosno sadrže svu traženu tendersku dokumentaciju a nakon čega je ista Komisija zakazala e-aukciju za dan 23.07.2021. godine u 13:30 sati.

Predviđeno vrijeme trajanja e-aukcije je bilo 10 minuta. Nakon završetka e-aukcije po Izvještaju o toku i završetku e-aukcije, broj postupka 1092-7-1-10/21 (od 23.07.2021. god. u 13:40 sati), utvrđeno je da je bilo podnošenja ponuda od strane tri ponuđača: SUPER PETROL Banja Luka, REZ d.o.o. Cazin i ČAVKUNOVIĆ-BP d.o.o. Bihać.

Komisija je potom utvrdila konačnu rang lista ponuđača koji su učestvovali u postupku javne nabavke e-aukciji kako slijedi:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	SUPER PETROL d.o.o. Banja Luka	440115374002	12.800,00	25,53%**	1
2.	REZ d.o.o. Cazin	4263082160006	14.185,65	16,36%**	2
3.	ČAVKUNOVIĆ-BP d.o.o. Bihać	4263660110009	14.200,00	16,27%**	3
4.	PETROL BH OIL COMPANY d.o.o. Sarajevo	4200505350000	14.358,90	0%	4

** Označava približnu vrijednost procentualnog umanjenja nakon zaokruživanja na dvije decimale

Predmet javne nabavke iz člana I. ove Odluke, predviđen je Planom nabavki broj: A - 312/21 od 19.04.2021. godine za 2021. godinu ROBE - redni broj 8. Nabavka lož ulja za grijnu sezonu 2021/2022 - **JRJN 09135100 - 5.**

Predmetna javna nabavka biti će finansirana iz budžetskih sredstava Kantonalnog tužilaštva USK Bihać za 2021. godinu, a izdaci za nabavku će se evidentirati na ekonomskom kodu 613200 - „Izdaci za energiju”.

Odlukom o izboru najpovoljnijeg ponuđača broj: A-550/21 od 26.07.2021. godine prihvaćena je preporuka Komisije za javnu nabavku izražena u Zapisniku o ocjeni ponuda nakon održane e-aukcije br. A-550/21 od 23.07.2021. godine i Ugovor o nabavci lož ulja za grijnu sezonu 2021/2022 za potrebe Kantonalnog tužilaštva USK Bihać je dodjeljen ponuđaču **SUPER PETROL d.o.o. Banja Luka**, a za ponuđenu cijenu prema tenderskoj specifikaciji roba u skladu sa ponuđenom cijenom nakon održane e-aukcije u iznosu od **12.800,00 KM bez PDV-a.**

Aktom br. A-550/21 od 26.07.2021. godine ponuđaču **SUPER PETROL d.o.o. Banja Luka**, kao i ostalim ponuđačima koji su učestvovali u postupku javne nabavke dostavljen je Zapisnik o ocjeni ponuda od dana 23.07.2021. godine, a nakon održane e-aukcije, te Odluka o izboru najpovoljnijeg ponuđača od 26.07.2021. godine. Izabrani ponuđač je istim aktom obaviješten da je dužan u roku od 10 dana dostaviti dokaze o ispunjavanju uslova traženih TD u posupku po konkurentskom zahtjevu za dostavljanje ponuda, kao i da je dužan dostaviti novi obrazac za cijenu ponude koji će odražavati smanjenu cijenu iz e-aukcije iz tačke IV. 3) TD, u roku naznačenom u Odluci (*Ponuđač **SUPER PETROL d.o.o. Banja Luka** akt broj: A-550/21 od 26.07.2021. godine zaprimio je dana 29.07.2021. godine.*

Izabrani ponuđač u ostavljenom roku nije ugovornom organu dostavio dokaze o ispunjavanju uslova traženih tačkom II. – član 45. ZJN BiH i tačkom IV. 3) tenderske dokumentacije i to dokaze o slijedećem: da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, a u skladu sa važećim propisima u BiH ili zemlji u kojoj je registrovan; nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili nije predmet postupka likvidacije, odnosno nije u postupku obustavljanja poslovne djelatnosti, u skladu sa važećim propisima u BiH ili zemlji u kojoj je registrovan; je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u BiH ili zemlji u kojoj je registrovan; je ispunio obavezu u vezi sa plaćanjem direktnih ili indirektnih poreza, u skladu sa važećim propisima u BiH ili zemlji u kojoj je registrovan, niti je dostavio novi obrazac za cijenu ponude koji će odražavati smanjenu cijenu iz e-aukcije.

Kako je odredbom člana 68. stav (1) Zakona o javnim nabavkama BiH propisano da: „*ugovorni organ odbacuje zahtjev za učešće ili ponudu ako kandidat/ponuditelj nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjenja uvjeta iz čl. 45.-51 tog Zakona*“, to je valjalo odbaciti ponudu izabranog ponuđača.

Istovremeno odredbom člana 72. stav 3. tačka a) propisano je da: „*ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. tog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ*“.

U skladu sa citiranim zakonskim odredbama ovaj Ugovorni organ će dostaviti prijedlog ugovora ponuđaču čija je ponuda po rang – listi odmah nakon ponude najuspješnijeg ponuđača i to **REZ d.o.o Cazin**, a u skladu sa Zapisnikom o ocjeni ponuda nakon održane e-aukcije u predmetu javne nabavke roba od 23.07.2021. godine kojim je utvrđena konačna rang-lista ponuđača koji su učestvovali u e-aukciji.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101. Zakona o javnim nabavkama BiH.

GLAVNA KANTONALNA TUŽITELJICA

Fadila Amidžić

Dostaviti :

1. Ponuđačima
2. A/A